

VALLIADOS  
LIBRITRES,

OPUS INCHOATUM.

---

Auctore PATRICIO PANTERO  
ad Fanum ANDREÆ  
*Theologo.*



EDINBURGI  
*Excudebant Hæredes ANDREÆ*  
HART. I 633.

1  
SERENISSIMO



Potentissimo Principi,  
CAROLO,  
Magnæ Britannia, Franciæ,  
& Hibernia Regi; Fidei defensori,  
DOMINO suo,

CAROLE, cui magnum spondent natalia  
nomen,

Et supra summum pectora celsa genus,  
Accipe sis teneræ molimina grandia Musæ:

Cui satis in vires vnus Apollo potes:  
Et si deficiat non ista capacia dicam  
Numinis aut tantum pectora ferre Deum


P. P.



Ian  
Lu  
Et  
A  
Uj

Vn  
In  
Im  
Sa  
N





# VALLIADOS

## LIBER PRIMVS.



Elligeri dura arma viri,  
Martemq; sub Arcto  
Grassatum latè populis,  
commissaque campis  
Agmina, vorticibus quæ  
Tina hinc fertur & illinc  
Irrigat arva Taus, tri-  
stique Caledona bello  
Concussam, exactos hostes  
patriamque receptam

Iam canimus. Tu pande sacros æterne recessus  
Luminis augusti, priscæque abscondita famæ  
Et vati longinqua refer, ne nomina tanta  
Magnanimùm Heroum, tot fortia facta, ducesque  
Usque premant altâ miseranda silentia nocte.

Da causas aperire mali, quid gentibus orbis  
Vnius & fossæ communis gurgite clausis  
In diversa trahens animos; quæ tristis Erinny  
Immisit furias populis, Bellonaque semper  
Sanguineum quatiens curru volitante flagellum  
Non tulit unanimes, quos sic committere sevos

## Valliadus.

Inter se & notas in mutua vulnera dextras  
Cogere ludus erat? quoties tibi Tueda Britanno  
Sanguine purpureo tumuerunt flumina lapsu?  
Regnandi, proh, dira sitis, vicinaq<sub>3</sub> ferro  
Sub iuga mittendi, superi sed nescia fati  
Invitisque dijs, eterno fœdere certum  
Quæis unire feros & quos natura locusque  
Iunxerat, irrupto in gentem coalescere regno;  
Non ultra Scotum non Anglum audire, futuris  
Nomina confundi, ne qua monumenta supersint  
Dissidij, & solum memorari in sæcla Britannum.  
Quid frustra in vetitum nixi? num fata morari  
Precipere aut liceat? sinite ô stata tempora rebus  
Defluere, & placidis ne rumpite staminaparcis.

Multa quidem prisco gentis memorantur ab ortu  
(Ex quo de Lybijs advectus classe Gathelus  
Semina fundavit) Fergusique inclyta tandem  
Auspicijs priscâ genus educentis lerna  
In regni composta modum) fera bella cruore  
Gesta pari, populis nunquam sine clade quietis:  
Sed nullum gravius post damna Latina, nec aquis  
Exarsit flammis, illo quod Edardus inani  
Successu tumidus, victricia signa recente  
Eo referens & sacro Marte peracto,  
Intulit, excidium spirans, sinemque supremum  
Se tandem tantis sperans imponere bellis:  
Tempore captato quo Scotica sceptrâ iacebant  
Iure sub incerto, cum mors inopina supremi

Regis



## Liber primus.

Regis Alexandri confunderet omnia, iusq;  
Heredum longis repetendum exiret ab annis:  
Quemq; penes tunc res fuerant, miser artibus Angli  
Repserat in solium, nec stemmate dignus avito,  
Nomine nec tanto, non qui vel in ordine regum  
Fulgeat & sacris sua sceptrum immisceat armis  
Transversa signanda notâ; qui libera gentis  
Iura sub indignas dedit atro fœdere leges.  
Quod potuit quod non virtus, non secula tanta  
Annorumque vices, non vasta potentia Romæ  
Fatalis populis, cuiusque nec ipsa petenti  
Numina spem facerent, ultro tunc fata dederunt,  
Et rerum obicere vices: gens inclita centum  
Regibus, externos haud unquam passa tyrannos,  
Hic panem accepit dominum, viduatæque Rege  
Est propè Saxonici provincia facta colonis.  
Nec vis obniti contra, nec sistere tantum  
Torrentem fati, iam flumine cuncta ferentis  
Stagnantisque lacu; divorgia nec qua malorum  
Tantum nec Martis erant, (hominumq; Deumq;  
Iura fides nihili) non fulmina sacra minaque  
Vesovis Ausonii, non terror & arma per agrum  
Hosticum & aversa Mar; ostentatus ab orâ,  
Dum Gallum quoq; in arma cient; sed inania cuncta  
In cassumque parant; non densum velit is agmen,  
Non grassator eques iustisve exercitus armis  
Proficiunt ubi fata tenent, tot lastra iacente  
Certa super patriâ fuerant, immota nec ante  
Extremas

## Valliados

*Extremas cessura vices; hoc pondere fata  
Vergunt & tanto stabant molimina regno.*

*Iamq; diu in Cumbris vaga castra infestus habebat  
Cuminius, latèque igni ferroque premebat,  
Quo saltem patrijs bellum deduceret oris,  
Inque suos Anglum fines; nec nulla labori  
Affulsit primo spes atque faventior aura:  
Sed nihil ad summam rei. Cepto tentat inani  
Carleolum, regni quondam qua meta Latini,  
Excubiisque locus, pratentaque castra ruenti  
Barbaro, & extremum claudens munimine vallum.  
Tunc delecta manus infederat agmine motus  
Finitimos contra: sibi rem spe tardius ergo  
Cessuram ut vidit, bellumque hiberna sub ipsa  
Obsidione trahi, manifestaque fata tenere;  
Relligio incescit, tentanda oracula Deumque  
Numina & adstantes Bega convivere sedes,  
Fatidicamque domum; quâ gratior altera Phœbo  
Nulla, nec Arctoi maior reverentia luci.  
Edita Vergivium rupes procurrit in aquor  
Vasta situ nemorumque atris praeclusa tenebris,  
Quam procul ex alto speculatus navita, clavo  
Detorquet properante ratem, famosaque vitat  
Littora perpetuâ longè canentia spumâ.  
Hic sedem, parvosque lares, adytique recessum  
Sacra Deo visumque hominum & connubia vitans,  
Iam virgo servabat anus & fata canebat.  
Huc ubi iam sacri ventum in penetralia luci*

*Et*



## Liber primus.

*Et parvam, loca sola, domum; processit ab umbrâ  
Famina passa comas, pexa in velamine palla,  
Et macie contracta genas: quam protinus intra  
Herentem retroque caput sub tectâ ferentem  
Precipiunt: Virgo (noti nam fama futuri  
Parque genus, prisca si fert uti, ducis Ierna  
Egit ad has sedes longoque aversa recessu  
Limina) fare graves patria quæ prima labores  
Auxilia excipient; quandoque pateſcet, & unde  
Spes, heu! lenta nimis. Decimus iam vertitur annus,  
Ex quo capta dolo sævâque ambage tyranni  
Pressa iacet, duris tentataque cuncta videmus  
Hactenus auspiciis planeque obstantia fata.  
Quarè si quid apud superos precibusve piisve  
Sancta vales meritis, aut talia numina tangunt,  
Affer opem & fessis miserum succurrito rebus,  
Non apud immemorem ponetur gratia gentem.  
Hec ductor; eadem sociorum admurmurat agmen  
Fataque fausta petit; vates ad primata cære  
Attonita in morem, terræque affixa tenere  
Lumina; vix demum tremulo sic subdidit ore.  
Fata cani vobis petitis curæque levamen,  
O Fergusiadæ non æquo numine pressi;  
Nec dum etiam cessant iræ: nova bella, novaſque  
Expectate vices iterumque pericula rerum.  
Vidistis Berovicæ arces tristiquæ cruentum  
Cade Barodunum; manet alter: non minus ipsa  
Feralis; quantos secum vehet unda Carontis?*

Ne

## Valliadus

Ne tamen abstant animi, spes certa supremum  
Lucescet pandentque viam sibi fata reclusa,  
Auspicijs sed dicta novis, novus omnia ductor  
Restituet non voce patrum non omine lectus;  
Hoc dicto siluit seque intra tecta recepit  
Umbrosumque larem Scotos ante ostia linquens  
Haerentes multumque animis suprema moventes  
Quis dux ille novus cui sic meliora reservent  
Cuncta Di, quem fata notent non vota legentum;  
Demum digressi querulo sermone labores  
Deplorant patriam sortemque vicemque sinistram  
Cui casus stent usque novi nova bella novumque  
Discrimen semperque novum ininitantia fata  
Non satis extremo vitam fuisse cruore  
Elatamque semel, rediuvam fata manere  
Usque alia & casam non unica funera gentem;  
Hic senior Lermos, cui pristina cuique futura  
Cognita & ambigui non nescia pectora fati  
Solari satagens, dura incrementa gravesque  
Commemorare ortus gentisque haud mollia fata  
Capit & indomitos referebat in ordine casus.  
Non semel hanc simili tempestas acta procella  
(Ira sive Deum seu qua vi forte latente)  
Afflixit socij Patriam penitusque ruisse  
Scotia & ex imo verti fundamine visa est  
Vix ulla reparanda manu, (sic turbine cuncta  
Huc illucque rapi) nam prima ab origine gentis  
Nunc repetam & prisca revocabo exordia fama.

Vix



## Liber primus.

*Vix prima Herculeæ superata angustia Calpes  
Et nimbo depressus Atlas, nataliaque arva,  
Hesperiumque patres ratibus tenuere profundum;  
Cum senior vitrea fusus sub fornice Nereus  
In medio generis, (stratam quâ plurimus algam  
Oceanus fundit finxitque sedilia saxo)  
Persensit sua tecta quati, insuetumque tumultum  
Miratus pelagi, fessus cum nec rueret Sol,  
Nec dum fumantes tempus lavisse iugales;  
Emicuit subitò, quem protinus omnis in altum  
Turba secuta vadis fluctus excivit ab imis.  
Atque ubi iam summâ spectans erectus in unda  
Pube tenus classem vidit, nec iam antea visas  
Oceano super ire rates, caput hispidus atrum  
Extentò digito quatiens; heus quisquis es (inquit)  
Ausus iter tentare novum temerataque nulli  
Æquora trans solemque ruis concessaque regna,  
Haud facili properas fato, nec denique nostro  
Ereptis generi multum latabere regnis.  
Dixit, & excussa præcepit se condidit undâ.  
Ex illo quæ damna mari, quæ prælia terra  
Vix equo superata Deo, quæque invia saxa  
Diffractæque iugis rupes (nunc insula) in altum  
Obiectæ ratibus, dubia cum prima subirent  
Littora & ignotos tentarent remige porus?  
Namque prius vacuas sedes tenere Gigantes;  
Æquorea de stirpe genus, quod sera superet  
Nunc atas de vexa hominum, (monumenta nefanda  
Gentis*

## Valliadus

Gentis adhuc exstant sinuoso horrenda recessu  
 Antra, quibus prostant moles, & pondera quæ non  
 Humana posuere manus ) hi primus avorum  
 Indomitusque labor prima tellure: sed alter  
 ( Ut gremio vix dum patria caluere recentis )  
 Except; pluvialis hiems, æstasque frequente  
 Lenta Aquilone sequens, fixa spem sustulit omnem  
 Sedis, & infausâ suasis discedere terra;  
 Ipse rates duci iussit Gathelus, & alto  
 Ire iterum sedesque novas committere fatis:  
 Ni consors fati atque tori de nomine gentem  
 Cui superi vovere suo, cui corniger Ammon,  
 Effusa in lachrymas, obiectaque littore toto  
 Continuisset opus. Capere hinc littora lingui,  
 Et silvæ montesque coli ( nam mœnia nondum  
 Suadebat terror, nec visus finibus hostis )  
 Cum Brito finitimus ( genus à Brennove Retove )  
 Ulro inopinus adest, stirpis refecare novella  
 Germina & ex imo satagens convellere fundo.  
 Ipso odium faciente metu; nam surgere gentem  
 Intra eadem maria, & vallo quasi claudier uno  
 Non socium, seris sed forte nepotibus hostem;  
 Id vero trepidare animis, omnique reniti  
 Consilio & dura prohibere auctamina gentis.  
 Cumque recens hospes, vero de nomine Pictus  
 ( Seu Cimbrum Scythicumve genus ) cum littora classe  
 Germano pratenta mari tenuisset; & ultro  
 Spem facerent moresque pares, contractaque tædæ  
Fœdera



## Liber primus.

*Fœdera perpetuò gentes coalescere posse;  
Obstitit hic odium Britonis, rupitque recentis  
Fœdus amicitia, Pictosque in bella subegit.  
Quippe feros hominisque nihil nisi membra ferentes,  
Queis castum sanctumque nihil, vicina tenere  
Miscerique, satis cūvis res quantā pericli  
Constare. In fatis etiamque hoc esse ( nec ipsis  
Ignotum patribusve suis ) quo nomen & omne  
Pictum à stirpe genus Scoto peritura premente  
Tradatur. fraudisque malæ tum nequa subesset  
Suspicio, pariter quasi moliretur utrisque  
Exitium, aut socia studeat committere genti,  
Auxilium capto spondet non de fore bello.*

*Hic geminus propiorque metus insueta regenti  
Pectora, conciliisque ultro in commune coegit  
Consulere & sedes cœtusque agitare frequentes,  
Prospicere auxilio & gentem implorare propinquam.*

*Iura dabat socia tum forte Ferardus Iernæ  
Masculæ à bis prole pater; hic servat avito  
Maiorem sceptro, sed cedit sponte minore  
Fergusio & modicis Scoto summittit in armis.  
Hic primus regni titulos, sceptrique superbum  
Insigne & trabeam cepit; cathedraque resedit  
Marmoreâ, Pharia quæ fertur abusque Canopo  
Advecta, huc regnorum omen, sceptrique sequacis,  
Quo se cunque ferat Scotus, licet hostis inani  
Nunc deceptus ovet spolio. Gens vix ita primum  
In regni composta modum, cum semina belli*

*Civilis*

## Vallados

*Civilis regnique faces in morte reliquit  
 Doronadilla nepos & panè in funere funus.  
 Moris erat prisci vacuis succedere sceptris  
 Germanum aut functi patrum, dum natus habens  
 Nondum maturus regnumque capessere posset;  
 Huic frater suffectus erat moderata Rebuda  
 Imperia exercens; regni sed amore iuventa  
 Filius impatiens, praeceps ad sceptru ruendo  
 Omnia turbavit misere, regnique recentis  
 Pene accidit opes primosque redegit ad ortus;  
 Hic opibus nixus Duali, quem tota secuta est  
 Galdia Atacotiusque ferox, ac foedere tada  
 Coniunctus inveni Pictus, movet arma profana  
 In patrum & totam confudit turbine gentem;  
 Nec modus aut satias ira; lux una coire  
 Ter vidit, Scotumque suo cecidisse ter ictu:  
 Tanta fuit inuncto candescens pectore flamma  
 Exardeique magis, tanto certamine utrinque  
 Concursum ac odium, ut neutra parte ferente  
 Cedere vix pugna superesset nuncius, aut qui  
 Postea communi vires opponeret hosti;  
 Qui tacitus spectans, bellique intentus in omnes  
 Eventus, nactusque suis mage commoda votis  
 Tempora, se movit, vacuosque effusus in agros  
 Omnia Grampiaci percurrit ad invia saltus.*

*Postera Romanos incognita nomina priscis  
 Sacra tulere hostes, vera qui nescio pacis  
 Quae, legumque feris, morumque effictaque vita  
 Commoda*



## Liber primus.

Commoda portantes duram per cuncta quietem  
Qua venere dabant, cultoque frequentia cive  
Oppida scibilibus reddentes sola ruinis  
Vix quibus aut leges pratentave iura darentur  
Relinquere sibi: vellent dum humanius esse  
Humanum minuire genus: consistere nullo  
Limite quin alias peterent, vel in aequore, terras  
Imperij subigebat amor vesanaque ferro  
Grassandi in cunctos rabies. Hi Brittone fuso  
Qui Tamisin Camumque tenent, & utrumque Sabrina  
Littus, in extremos convertunt signa Siluras:  
Icenos Gangumque vagum sensimque sub Arcton  
Serpebat terror nostrasque invaserat oras.  
Ergo vicinos ipsoque in limite bellum  
Iam propius propiusque videns Carraëtacus, arma  
Prima movenda ratus, potiusque inferre, ridentem  
Quam sero excipere & medijs in finibus hostem,  
Precipit externis flammam restinguere in oris.

Hunc Marorte satum fertur Levinia nympha  
Grampiacis enixa iugis, totamque sub armis  
Glottiam & antiqua populos tenuisse Carictæ:  
Militiæ primis pralustris gloria ab annis  
Æquales inter, rerum fortunaque crebrò  
Prosperior fecere animos tentare potentem  
Ignotumque prius populum, quin longius ire  
Obviam & ignota bellum committere terra.  
Invitis rapit arma suis sociasque Siluri  
Vliro acies offertquo auxem, satis esse vel unum

## Valliados

*Se Latio Belgaque vago: fiducia rerum  
Tanta fuit fatigue virum vis ceca trahebat.*

*Ergo per Ordovicas raptocitus agmine, primis  
Hostibus occurrit, pugnaque cietur atrocis  
Principium, infido sed destituyente Silure  
Inferior, fractisque suis vix ipse furentum  
Evaluit vitare manus, fideique coactus  
Tradere vicini sese post cuncta Brigantis.  
Sed nihil adversis tutum; non fœdera, non lex,  
Hospitij nec inramovent; vicinus, amicus  
Traditur externo, ductusque per oppida, tandem  
Barbara Casareos decoravit pompa triumphos.*

*Hinc belli steterant cause, tantoque per Arcton  
Amisso duce facta via est; quod Iulius ultrò  
Movit & infestis induxit signa manipulis,  
(Agricolam dixere sui) cui Galdus Horestæ  
Regulus obiecit sese; tunc ninguida vidit  
Grampe aquilas, Tungrumq; trucem, Galliç, ferocis  
Auxilia & lato Martem diffundere campo:  
Tunc primum oppressum numeroque armisq; Leonem  
Ingentem retulisse pedem, licet ore cruento  
Respiceret sæpe & vastos ostenderet ungues.*

*Non tamen hic primo victoria parta cruore  
Marte stetit modico, debellatumve Latinis  
Continuo aut Latias capit provincia leges  
Fracta licet patria; impatiens dominique iugique  
Perstitit inque ipsos surrexit pressa prementes  
(Non secus ac Phœbo sacratum fertur in ipsum*

*Surgere*



## Liber primus.

*Surgere vimen onus, seseque efferre superbum )  
Indomita & victis pratendere compulit arces,  
Hoc Adrianus opus Tinaque Escaque fluento ,  
Inter duxit agens fossas turresque frequentes  
Immenso terra spatio, paulumque Severus  
Promovit virtute sua, quā Glotta Bodotra  
Æstibus angusto terra distinguitur Isthmo,  
Hic pacem pepigere duces, hic terminus hæsit  
Imperij limesque viris, hic substitit orbis  
Terror & obstructo Romana potentia fato.*

*Sed vix externis penitus requierat ab armis  
Cum patriam exceperet nova, intestinaque Picti  
Dissidia infausto demum exardentia bello:  
Exigua primum cause levibusque coortum  
Litibus, infernos sed dira Megara furores,  
Admovitque faces; quæ tanta incendia demum  
Sparsere, alterius quæ non nisi sanguine gentis  
Restincta ac ipsa demum compressa ruina.*

*Forte canis Regi (nostris venatica namque  
Vita) in delicijs, prædæ dum ardentius instat,  
Et sequitur per senta feram iam longius error  
Abstulerat Pictique vagum provexit in oras;  
Hi summo fœtum studio multumque petitum  
Celavere diu, donec solennis utramque  
Ad spectacula parem excivit venatio gentem;  
Incingunt laxa primum spatia ampla corona,  
Includuntque feras donec coeuntibus omni  
Parte viris sensim cœtus cogatur in arctum*

*Claudat*

## Valliados

*Claudat & exiguam contracta indagine vallem.  
 Hic signo de rupe dato lorisque solutis  
 Decurrunt hinc inde canes caveamque per omnem  
 Exagitant, passimque ferum dispesceitur agmen,  
 Hinc plausu strepituque virum diroque ferarum  
 Infremitu sonat omne nemus, rupesque resulant  
 Vocibus & vario cœlum tonat omne tumultu;  
 Hic sed forte lupum (qui primus heroque suisque  
 Fertur honos) solus cursu morsuque fatigans  
 Nunquam amittebat, Scotique sub ora trahebat,  
 Cum veterem agnoscit dominum, nec in agmine tanto  
 Quenquā alium nequeuntq; canem retinere magistri:  
 Hinc rixæ primum dominis, ad verbera tandem  
 Deventum miscentque manus, conclamat ad arma  
 Quisque suos (facilisque acies ex ordine tanto  
 Confessuque virum) cavea decurritur omni  
 Ex parte, in cuneumq; premunt utrinque phalangem;  
 Tela volant lato primum venatica ferro,  
 Quæq; locus tempusq; dabat; mox arma propinquis  
 Exciti clamore locis utrisque tulere  
 Auxilio numerumque simul marremque ministrant,  
 Subsidioque novo revocant; cadit omnis ad unum  
 Nobilitas, Pictæque decus flosque ipse iuventa.  
 Hinc furor in nostros, Pictique accensus acerba  
 Clade dolor; satiare nihil, nil linguere inausum  
 Ira pudorque sinunt; & cum diffideret armis  
 Ipse suis, Romana ciet. Tunc castra tenebat  
 Maximus & trina Britonas legione premebat:*

Nomi-



## Liber primus.

Nominis hunc vani titulus, laudisque cupido,  
Dum domitor Scoti, dicique Britannicus ardet,  
Et Thulen iunxisse novam, ac clausisse triumphos,  
Accendit facile & nostras induxit in oras.  
Ducitur auxilium Britonis, Pictusque viarum  
Ceca praeit; ternis incedunt agmina castris,  
Et late populantur agros, saevitur in omne  
Ætatis sexusque genus: nec cura rapina  
Aut praeda; dant cuncta neci, pecudumque virumq;  
Sternitur immixtis promiscua turbacatervis.  
Noster, ut in tali rerum discrimine, certus  
Quas habet opponit vires; concurritur alti  
Fluminis ad ripas, quæ Galdia terra per imum  
Finditur & geminos distinguit Cria Novantas.  
Pro numero fit pugna ferox, nec cedere Picto,  
Aut Britoni virtus patitur, sed ad Italia ventum.  
Arma simul, fixamque aciem, retroacta ruina  
Agmina nostra modo: neque enim defessa recentes  
Sustineant, numerumque manus. Nec sicca Latino  
Palma fuit nostrisve animi cecidere repressis;  
Ire iterum in pugnas, iterum tentare periculum,  
Fortunamque iuvat: late coit omne ferendis  
Aptum armis (muliebre etiam) iuvenumq; senumq;  
Infirmumque genus; iam iam suprema vocare  
Cum videant, cunctis animam profunderè certum est  
Liberam, & externa nunquam dare colla catena.  
Quas strages dedit illa dies, quæ funera regum,  
Dum nolunt superesse suis? Genus omne supremâ

B

Occidione

## Valliados

Occisione cadit, nec pane relinquitur in quem  
 Exercere odia aut grassari insania posset;  
 Tam rara apparent facies, Scotumque redactum  
 Tam paucos ad nomen erat, saturatus ut hostis  
 Cladibus, in victos se vire refugerit ultra  
 Maximus, & duram miseratio vicerit iram;  
 Reliquias restare iubet; sed vivere Picti  
 Non patitur odium, nunquamque Britannica clamat  
 Romanopacata fore imperiumque quietum,  
 Dum Scotum superesse sinat, stillamque ferini  
 Sanguinis indomitam ignaramq; quiescere gentem.  
 Ergo quidem vita parsum; sed seua rogantur  
 Exilia, indictusque dies quo finibus omnes  
 Excedant patrijs; quod si quis forte morari  
 Audeat, ei capitale fore. Hæc sententia vulgi  
 Venit ut ad miseram morte ipsa durior aures,  
 Heu quantum accendit luctum! quæ tristia cunctis  
 Fortune lamenta suæ; natalia linqui  
 Arva sibi dulcesque lares; migrare necesse,  
 Nec quo scire tamen; sese committere ponto  
 Omnibus est animus, nec quæ trans æquora ponti  
 Terra latet norunt: Miseratur Iernia primos  
 Immemor haud generis coniunctorumque parentum;  
 Pars Hemodas Monamque petit sparsasq; per aquor  
 Orcadas & vasto distantia regna profundo.  
 Regis in adversam germanus Echadus oram  
 Cimbrica regna venit, (fratrem nam terra tegebat  
 Seotica dum patria nollet superesse ruenti)

Et



## Liber primus.

<sup>1</sup>  
Et procerum quicumque super: reverentia tantæ  
Agminis, & facies rerum miseranda feroces  
Commovere animos, demumque patente receptis  
Hospitio assignant sedes. Hic oculo teruntur  
Lustra sub ignoto, tristissima tempora, cælo;  
Nec reditus spes ulla super, patriamque recentem  
Excolere, & socios comitari in pralia Cimbros.

Tunc primum Latio passim se infundere regno  
Ceperat Arctous populus, latèque per omne  
Imperium densis volitare examina nimbis.  
Noster ut in Cimbris odium par forte Latini  
Nominis offendit, Marianamque urere cladem  
Usque recentem animis, pronumque in bella dolorem,  
Movit agens, facibus non cessans addere flammæ,  
Atque aperire vias; cum latè insederat Alpes  
Gothus (ab Ausonijs distinguunt Tentonas arvis)  
Huic sese adiungunt socios, qui robore tanto  
Auctus, in ignotum superatis montibus orbem  
Non dubitavit iter, mundique, arcemque, caputque  
Formidata diu populis; quodque antea cunctos  
Obsequio tenuit larvaque metuque superbi  
Nominis, ausi ultro tentare; horrensque ciere  
Cominus ex ipsis monstrum exitiale latebris,  
Et posito iugulare metu; quis terga, quis armos  
Invadat certant; iam bellua fracta senecta  
Conficitur, lacerantque artus, nudantque cavernas  
Pectoris, & sevis dant membra tremantia flammis.  
Ardorem hunc cunctis & inexaturabile panæ

## Valliadus

*Indiderant pectus superi, quo dira tyrannis  
Finem habeat discantque modum servare potentes.*

*Huius ut ad Latias huc est perlata cohortes  
Fama mali & versa tristissima nuncia Roma,  
Attonuit primum mentes tandemque regentis  
Incerti, quove arma ferant, provincia inanis  
Imperium sibi quisque rapit, propriisque cadentes  
Vulneribus, sensim vires nomenque, metumque  
Imminuere sui; domitisque erecta novandi  
Audendique aliquid spes, atque in turbine rerum  
Excutere invisam iam diu cervice catenam.  
Defuit incepto solus cui tanta daretur  
Summa rei & dubij cura ac fastigia belli.*

*Iam tum Fergusij nomen praelustre secundi  
Vtramque implerat patriam; communibus ergo  
Delecto votis celebris legatio, primi  
Pictorum Britonumque, viro decernitur; ultro  
Excusent qui facta patrum, clademque, odiumque  
Exilij & patrias invitent rursus ad oras,  
Ac triplicis sceptri regimen, bellique quod ipsum  
Haredem ultoremque vocet, de fratre nepotem  
Eugenij, extremis patriam qui texerat armis.*

*Hic quamvis animo revocata iniuria & ira  
In Pictos Britonasque pares, tamen omnia charus  
Vicit amor patriæ, certumque haud deesse vocanti  
Ducentique Deo. Quare quæis robar ab annis  
Contrahit, & primo volitans aquilone per altum  
Quarta luce Tai devenit ad ostia classe.*

*Alectum*



## Libër primus.

( *Alectum* hic posuit reditus monumenta, Deique  
Donum appellavit ) redeuntis ad undique famam  
Confluitur, cunctique virum fausto ore salutant  
Unanimes, patriamque iubent bellumque capeſſat.  
Ergo haud cunctandum, prius & quam ſentiat, arma  
Præcipienda ratus, quod præſto robur, in hoſtem  
Ducit, & haud longe conſedit ab aggere valli  
Qui Pictò prætentus erat, quem pane ferarum  
Concluſum ritu miles excluſerat orbe.

Hic ſua ſunt Scotò pariter Pictòque recepta,  
Copiæ in anguſtum Romanorumque coactæ.

Sed non fida diu populis conſortia regni,  
Triftia funeſti ſenſim data ſemina belli.

Littora Saxonicus tunc prædo Britanna rapinis  
( Inviſum unde genus ) vario infeſtare tumultu  
Cæperat & captâ demum conſidere terrâ.

Huic Pictum commune genus, litesque recentes  
Cum Scotò, iunxere animis, externaque ſuaſit  
Fœdera & ignotum præponere civibus hoſtem.

Ergo ſibi Britones in cuncta pericula Scotum  
Aſſociant, propiore premens qui Pictica bello  
Diſtineat, Martemque domi ſuccenderet armis.

Sic hoſtem ſibi quiſque legit, bellumque futurum  
Dividitur: ſed Saxo tenax telluris amata,  
Ut ſemel incaluit gremio, ſedemque locavit,

Maiori pellendus erat virtute, nec arma  
Sufficiunt Britonis, noſtrum obiectare neceſſe eſt  
Hoſtibus auxilium: crebro hinc certamine victor

*Vterius*

## Valliados.

*Uterius fregit vires, facilesque domari  
Saxonas Arturo liquit, quem tanta Britannia  
Fama hodiè celebrat, factisque in sevit Olympo.*

*Sic Saxo victus iacuit, paulumque quievit,  
Amisſa donec vires, atque agmina caſa  
Subſidijs reparata novis, & denique vix vi  
Emicuit, Britonasque premens hinc inde coegit  
Victor in anguſtas gemina inter littora ſedes;  
Qua Sabrina vago latè diffunditur aſtu,  
Extenditque fretum, ripasque in littora mutans,  
Ipſe ſibi tantos miratur ſurgere fluctus.  
Senſim ubi fama virum ſenuit, nomenque vetuſtum  
Gentis ad adverſa tranſmiſit Aremoras ora.  
Hic finis regni Britonum, tantique ſub arcto  
Imperij, proprij primum quod inris, & inde  
Horruit Auſonias provincia facta ſecures.*

*Exitus haud multum diſpar, fortunaque regni  
Pictiaci, ſub tempus idem fatalis utramque  
Terminus accepit gentem; nec Saxo cadenti  
Proſuit, aut Scotis ex fœdere reſtitit armis.  
Ergo datum inter ſe decernere ad ultima ferro  
Extremamque manum, nec bellum fœdera tantum  
Extera & antiquis odijs exercita virtus,  
Sed cauſæ fecere novæ; nam forte virilis  
Regia ſtirps omnis (fato iam cuncta trahente  
Ad noſtros) interciderat, Picti ergo petivit  
Germanâ de, regna, nepos Alpinus, avito  
Iure, & tot priſcis ſervato more per annos.*

*Spernere*

Sper  
Scep  
Hoc  
Sed  
Iam  
Sub  
Et p  
De  
Ar  
Plu  
Ter  
Pr  
Sig  
Vi  
Se  
G  
C  
R  
N  
V  
A  
K  
T  
S  
I



## Liber primus.

*Spernere sed Picti iuvenem, praeclusaque cunctis  
Sceptra peregrinis sua dicere, lege caveri  
Hoc patriâ & priscos semper tenuisse parentes.  
Sed manifesta viris ea ludificatio visa  
Iam primum accendit bellum, flammisque furori  
Subdidit; invadunt ferro sibi proxima quisque,  
Et primum pradis agitur; ad praelia tandem  
Deventum iustasque acies, fortunaque primum  
Arrisit Picto; ceu claro Phœbus Eo  
Plus nimio rutilans, serum premit horridus atrâ  
Tempestate diem, vultumque in nocte recondit.  
Primus Alectanos Alpini funere campos  
Signavit congressus atrox, nostrisque reliquit  
Vix numerum, validas nedum in nova praelia vires.  
Sed res accepit tennes Cennethus, avorum  
Gloria, qui regni Scotorum tertius auctor,  
Conditor & dici meruit; qui pene peremptos  
Restituit, sparsosque metu collegit in arma.  
Nec fors defuerat victis, nec destitit ira  
Vindictaque furor, donec genus omne redactum  
Ad paucos cessisset agris, omniumque malorum  
Reliquia abiectis fugerent ad Saxonas armis;  
Nil ausos tentare tamen, cursumve secundum  
Sistere, victrices vel Marte laceffere dextras.  
Ergo invitatur Cimber qui classe frequente  
Littore ainfestans, Fifam Buchanaque rura  
Fœdavit miserè, Constantinumque furentius  
Invectum oppressit; nec longè sapè ruinâ*

Res

## Valliados.

Res fuerat, casis ducibus, acieque frequenter  
Respectante fugam, ni Cami cade Caiibus,  
Ac Huius virtute nova tenuisset (uterque  
Nobilibus ascriptus avis) & pane subactam  
Servassent patriam meritis multoque cruore.  
Ergo operam ludens, iterumque iterumque repulsus  
Cimber ad australes convertit vela Britannos,  
Imperiumque tulit, facili tellure locatis  
Seaibus, & ternis numeravit sceptris tyrannis.  
Quo demum oppresso, feralis Neuster utrique  
Succedens magis hostis atrox, iam summa minatur  
Omnia & antiquam sibi sub iuga mittere gentem.  
Ultimus hic hostis, qui (si mens gnara futuris  
Est mihi, vel longos prasagia docta per usus)  
Haud dubie his cedit terris, pulsusque relinquet  
Armis cuncta novis. Hoc mente recondite scelus;  
Scotus ad extremos extendet iura Britannos.  
Hoc pater ipse Deum fatur, hoc altus Apollo.  
Dixerat, inverso vesper cum serus Olympo  
Cernitur, & gratum fessis dat tessera somnum.



LIBER





# VALLIADOS

LIBER SECVNDVS.



*Idereum interea superos penetrare To-  
nantis*

*Concilio tenet, & summis de rebus a-  
gebant;*

*Qui pacem facerent terris, qui semina litis  
Dissidyque sibi resacent, bellantibus usque  
Terricolum studio, & caelum miscentibus armis.*

*Quos multum varios, atque in contraria euntes  
Vocibus, aetherius sic interfatur ab alta  
Sede Pater, mota fecitque silentia dextra.*

*Velle fuit (curas etenim novistis & omne  
Consilium superi) mundi cum primitus huius  
Admolirer opus, distinctaque secula rerum  
Mente efformarem, proprijs discludere quaque  
Sedibus, ut vario staret concordia mundo;  
Disposui caelo stellas, errantiaque ipsa  
Sidera non alia tamen in regione vagantur,  
Aetherio volucres tractu, piscesque profundo  
Humidiisque genus; sed, quod magis ordinis intra  
Credideram fines, praescriptaque iura teneri,  
Humanum, mortale genus, non vastius usquam  
Pectus, & ulterius tendens insana cupido.*

*Propte-*

## Valliados

Propterea populis passim drvortia feci  
Providus, in terram non ausus mittere apertam.  
Hinc silva saltusque feri, terraque tumores  
Insoliti, & populos inter maria alta, feroces  
Siqua coercerent animos, durumque Britannum  
Egimus in pelagus, totoque exclusimus orbe.  
Quis non haud dubiam firmasse in secula pacem,  
Provisumque necesse contra, bellumque putasset,  
Limite sic cunctis posito? Tamen omnia frustra,  
Intactumque nihil; quid enim vel profuit Alpes,  
Pyrenesve iugum Pæno? Riphæaque duris  
Obiecisse Getis? Vastas quid syrtibus oras  
Africa, & immensum trans ipsum Atlânta profundū?  
Nil hominum sistit furias, superantur abyssi  
Squallidaque arva siti, nubesque æquantia tesqua,  
Æthera vix tuti colimus; (meministis opinor  
Terrigenūm motus, bellique sub astra gigantum)  
Sed presium hîc aliquod capti, quis tantus in ista  
Inferiora furor? Puncta dominetur ut orbis  
Scilicet exigui; cuius pars regna Britannūm  
En quota pæne oculos fugiens (monstratq; iacentem  
Immersamque mari) tam diu miremini in undis  
Perstare & vastis absorptam haud esse procellis,  
Decertata tamen populis, tamque acribus olim,  
Tamque hodie studiis, tanto sine fine cruore.  
Nec fuga nec requies, cingens maris unda duellum  
Pæne facit, circique velut committit arenâ.  
(Namque semel odiis ubi mens accensa, furoris

Indueris



## Liber secundus.

Induerit stimulos, bello vicinia semper  
Semina dat, nutritque frequens iniuria damnis)  
Missio necqua datur; numeroque opibusque tumente  
Saxonida, ignaroque Scoto cessisse potenti.  
Nunc istum gravior sors opprimit, atque minatur  
Addamnare neci, ni fata, obstatque futuris  
Certus honos, olimque manens moderatio sceptri.  
Namque lubet vobis arcana recludere nostri  
Pectoris & Scota qua debita gloria genti:  
Ne quisquam studiis fata in contraria tendat  
Nescius, & nostrum divertere tentet amorem.

Illa quidem multas inter non maxima gentes,  
Vbere nec felix gleba, qua iura, merumve  
Sufficiat sacris; semper pietate vel armis  
Clara tamen, multasque supra laudata potentes,  
Quare animo semper, merita maiora, parabam.  
Nomen, & obscuris gentem eduxisse tenebris:  
Sed remora obstabant operi; fatale premendis  
Gentibus Ausonium nomen, Pictusque locatus  
In regni quoque parte ferox, angusta reliquit  
Virtutis spatia, & parvo concluderat orbe.  
Sed demum sibi fecit iter, maturaque fata  
Invenere viam; legio praetenta, ruentis  
In Latij revocatur opem, Pictusque remoto  
Romulidâ impulsus; levior sic factus eunti  
Ad maiora gradus, totam ditione tenendam  
Insulam & unitis ponendum iura Britannis,  
Imperiumque, licet serum, quod Iberus & Ister,  
Ausoniaque

## Valliados

*Ausoniaque tremant arces, & Teutonius ora;  
Audiet & quisquis Nili primordia, Gangis  
Aut niger haurit aquas, Atlantis vel inga cernit;  
Quisquis & aversum Phœbo procul incolit orbem.  
Hoc certum superi; veniet properantibus annis  
Ingentes aucturus avos, unaque Britannum  
Nomen in astra ferens pietate IACOBUS & altis  
Consilijs, nostrum merito genus; ille reducet  
Aurea post tantas Saturni secula turbas,  
Et terras sub pace dabit; Tunc Thracia Martem  
Accipiet post bella suum, dirumque fragorem  
Hauriet Hebrus aquis, illa regione tenebit  
Sanguineus sese, & campo volitabit aperto.  
Inque vicem virgo terris Astraea subibit  
Inra ferens populis, incultaque corda docebit  
Ferre ingum & pacis studijs assuescere inermes.*

*Hunc, ita compositopacis sub legibus orbe,  
Lustra ubi dena suis sceptris complêrit, onustum  
Imperijs, rerumque gravem moderamine, nostras  
Accipiam in sedes, sociumque adhibebo verendis  
Consilijs, Minœ simul. Mox turbine motas  
CAROLUS accipiet gentes; sed robore & armis  
Coget ad officium, nunquamque assumpta reponet  
Arma, vel invitis Donec pax reddita terris.  
Hinc series regum nullos rumpenda per annos  
Succedet populis, dum terris adstrepet ingens  
Oceanus, Phœbusque diem prestabit Olympo.  
Quare consilio fiat mora nequa futuro,*

*Aus*



## Liber secundus.

*Aut fatum vis ulla ferat, meditata faventes  
Accipite, & nostris coniuncti accedite curis.  
Cernitis (& miseret mecum) cladesque, laboresque  
Incassum fusos, fato luctantiaque arma  
Haëtenus Heroum; magni non inclyta virtus  
Fraserij, non veles Humi non Carus & ipsa  
Cuminia vis tota domus, deducere Neustrum  
Finibus & capta valuerè revellere sede.  
Quippe alij servatur honos, qui in tanta vocatur  
Fata, & quem magnis magnum nunc profero rebus,  
Inter Scotigenas, nec fama incognita vobis,  
Est Oreas Grampe, cano quæ vertice fulgens  
Eminus, hîc prima dat clara insignia terra.  
Illa sub umbrosis natum gravis edidit antris  
Coileo commixta seni; quem conscia fati  
Hostilisque odij, quod iam iuvenilibus annis  
Moverat, ac totas Neustri conflaverat iras,  
Subduxit furijs & rerum a turbine celat,  
Invitum ac misero rumpentem pectora luctu;  
Hunc in opem fessis visum summittere rebus,  
Oppressisque ducem. Quare charissime nate,  
Nuncieque, ad notas Nympha properato latebras,  
Et iuvenem affare ac mæstæ fer dicta parenti;  
Cedat eo & fidei nostræ, fatisque remittat  
Quem res ipsa vocat, quem nos, quem publica vota.  
Hæc refer; hæc edic, hæc cælo resciaat acta,  
Parendum, hæc summa est; tristis si hæc namq; procella  
Transseat & melior fati vis aspera vincat,*

*Postera*

## Vallados

Postera non metuo, rarum nam Scotia Marti  
 Educat hunc silvis & montibus abdit alumnum  
 Fatalem Neustris: Quem protinus haud minor alter  
 Brusius excipiet Bruti genus, altaque regum  
 Stemmata Scotorum repetens & debita sceptrum  
 Quem demum volvenda dies ostendet in armis.  
 Dixerat, & solio demum digressus, in altum  
 Concessit thalamum, sua quemque in tecta remittens  
 Siderea, adversis quae fecit in ordine circum  
 Liminibus Natura parens atque atria cinxit  
 Illos alta quies tenuit: Sed iussa parentis  
 Maigena exequitur, nubesque aurasque secabat  
 Per noctem & primo Grampen spectabat Eo;  
 Adnitens, Borea semper, vastisque procellis  
 Difficilem, & tacito pendebat in aere lapsu.  
 Ac velut apprensa vento retinente saburrâ  
 Suspensam volitare gruem, cygnumve videres  
 Labentem & longos facientem corpore tractus;  
 Haud secus immotis sese Deus ales agebat  
 Nixibus & premo demum se vertice fixit:  
 Attonitamque novo nympham tantoque Deorum  
 Nuncio, ut incanos nec tebat fronde capillos  
 Anteriore sedens antro, sic praecipit; ad te  
 Nostra omnis Grampe legatio, Iupiter alto  
 Imperat emitti natum: ne credere fatis,  
 Et fidei divum dubites, crudelis in illum,  
 Et patriam pariter, famaue inimica futura;  
 Cede lubens (inquit). Tremula quem voce secuta

Vix



## Liber secundus.

*Vix, anus ingemuit, subito compressa dolore;  
Istene proh superis labor est: hoc illud Olympum  
Exercet curis; qui matre avellere natum  
Possint & miseram solare, orbare senectam;  
Non satis extremo nudam damnassee sub axe  
Parrhasiusque rotis, caput & latus omne pruina  
Usque tegi, & miseras vix brumam arcere myricas;  
Nunc quoque quo solo solabar cuncta, supremi  
Spem senij (agnosco summi compendia doni  
Et refero superis, partum vix conscia quamvis  
Credebam & tantos potuisse fovere calores)  
Vix satis ostensum tollunt miserâque reposcunt;  
Haccine dona Deum, tanto stant gaudia luctu  
Talia iactantem terrasque aurasque querelis  
Implentem liquit Cyllenius, ut fore vidit  
Difficilem & nusquam magnum conspexit alumnus.  
Illum autem interea secreto silva recessu  
Abdebat longè curas errore levantem,  
Fallentemque dies; seros sed vespere ut ignes  
Extulit, inque suos revocans nox cuncta penates  
Composuit latè, nec vox strepitusve per umbram  
Amplius auditur; penitus sed pectora tota  
Vertunt ad solitas nocturna silentia curas,  
Tum vero ingeminare dolor, rursusque sub alto  
Corde recrudescens, non indulgere quieti  
Pectora, non iusto patitur dare lumina somno.  
Ab quoties secum mœrens, extrema subire,  
Cum patriâque mori? Ferroque optabat & igni  
Immitti?*

## Vallados

*Immitti medium, nec sese funeris unum  
 Exortem tristes latè spectare ruinas.  
 Auditur quoties longè fragor, altaque tectis  
 Flamma dabat fumos; manibusve elapsus atrocis  
 Hostis, adest quisquam, clades, cadesque reportans,  
 Et miseram patriæ faciem atque impune furentes  
 Saxonas & prisca meditantés ultima genti,  
 Ah Vallæ qui tunc animi? Quis sensus? & imis  
 Vulnèra quanta sedent fibris? Quantoque tumultu  
 Rumpentes miseram tristis dolor iraque mentem  
 Precipitem prope in arma dabant? quin misceat ultro  
 Se miseris, mediosque furens incurrat in hostes,  
 Et patriæ accedat fatis, tristesque ruinas  
 Ipse suâ, & tantas cumlaret funere clades,  
 (Sic furor atque dolor agitant) nichara Minerva,  
 Et pater ipse Deum retrahant lachrymaque suorum  
 Obnixaque preces; ne sese perdere frustra  
 Et patriæ, charisque velit, lethoque (sequatur  
 Quod decus haud ullum, meritumve aut gratia facti)  
 Proiecisse animam, miseroque occumbere fato;  
 Quin potius cedat, seque ad meliora reservet,  
 Dum præsens fortuna furit, dum rebus iniquum  
 Tempus, & afflicta nondum bona numina genti.  
 Ac veluti catulis venantum indagine cinctis,  
 Latratuque canum, quos prædaturus in antro  
 Liquerat, infrendes, nec adhuc satis ungue timendos  
 Adet in auxilium succurrere, perque coronas,  
 Perque canes furit ire leo, venabula donec  
Expediant*



## Liber secundus.

Excipiant densa pratenta per agmina silvâ,  
Et cogant meminisse sui, licet ira furorque  
Concitet, & charo fremitantia viscera motu.  
Sic sese invitus tenuit, miseramque sub umbris  
Per loca sola trahens animam, rituque ferarum  
Squallidus, errabat silvis, irasque coquebat.  
Nec tamen hîc deerat cum rei bene cunque gerenda  
Tempus & oblatos fortuna ostenderet hostes,  
Seu solos pluresve daret, congressus agebat  
Vel turpi per rura fugâ, vel si quis iniquum  
Audebat fatot tentare urgente duellum,  
Linquebat miser ille animam, nec postea charos  
Cernere, nec patrio licuit dare membra sepulchro;  
Inque dies carpens errare licentius ausos,  
Terruit, & crebris minuebat, cladibus hostem.

Quem simul ac divûm iuxta stetit ales, & ora  
Membraq; supra hominem, spirantiaq; omnia numen  
Advertit invenis paulum novitate stupendâ  
Turbatus primum, mox voce, animoque receptis  
Processit contra, excepitque his vocibus ulirô;  
Quisquis es aut hominum, divûmve effare, recessum  
Quisacrum hunc visis, sedesque hic exulis agri.  
Dixerat, alata pratenta insignia virgæ  
Cum monuere Dei, Divûmque a sede ministri,  
Et trepidus tales accepit ab ore loquelas;  
Magne puer, patriæ auspicijs felicibus ortus,  
Præfinite dys, teneram, quid rodere acerbo  
Felle animam, & tanto inuat indulgere dolori?

## Valliados

Pone graves curas, nam qui mortalia nutra  
 Versat, & afflictis propiore est numine rebus,  
 Ipse pater superum, luctum miseratus, & alti  
 Pectoris angorem, gratum demittit Olympo  
 Nuncium, & optatas demum tibi laxat habenas,  
 Emissa specubus & carcere (vana parentis  
 Quem fecit cura) & patria summittit egenti  
 Ultorem, bellique ducem; nec solus in istud  
 Immitteris opus (quamvis sit is ardor, & alti  
 Indomitique animi) comites hinc inde per agros  
 Accersam & sparsas reciebo in bella cohortes,  
 Oppressas potius quam fractas, quaeque tumulni  
 Opportuna modo respectant tempora, & irâ  
 Qui praeat, primoque velit dare sanguine bellum;  
 Confluere ad nomen cernes; age, vade secundo  
 Omne & angustam factis extende Britanniam,  
 Sic fatus, claram disparuit ales in aethram,  
 Inter letitiam linguens, curasque prementes;  
 Tandem pauca refert, ô nuncie sancte Deorum  
 (Nulla subesse cui fraudis commercia par est)  
 Esse ratum inbeas nec vano numine firma.  
 Amplexusque solum natale, ardentia figens  
 Oscula sic fatur; O dignus cladibus ultor  
 Exoriare aliquis, vel dei mibi fata Deum Rex  
 Immoriet tam dulci operi, & te chara iacentem  
 Obtegere aut armis aut corpore, quodque cruoris  
 Exsuxi, & primas quas hansi flammis auras  
 In vestro sefflare sinus, ac ore cruento



## Liber secundus.

*Oscula, supremi testes tibi figere amoris,  
Haud equidem invitus caderem, nec tristia ferrem  
Fata, nec hinc umbris errarem mixtus inultis.*

*Talia marenti, demum sopor agra labore  
Lumina composuit, solito magis arctus inharens  
Sensibus & placidam spirans in membra quietem:  
Cum visa est tacitis accedere Scota iacenti  
Passibus, in faciem, cultumque exacta propinqua  
Naiados, & pulchrâ ferrum sibi porgere dextrâ,  
Fatiferum, immensum, cui nec par ipsa, nec amba  
Adnixa comites molique onerique ferebant,  
Et sic affari, talique accendere voce.  
Accipe chare puer, patrijs de fontibus una  
Æternum quæ duco genus, sanctæque vetustas  
Quam coluit, venerata focis & paupere sacro,  
Quod fero, forcipibus ductum, fornacibus isdem  
E queis tela Iovis, quod ferrum Mulciber ipse  
Cudit, & infernâ candens restinxit in undâ;  
Quod Marti, gelidam quondâ cum inviseret Arcton  
Omnia pervolitans latè loca, forte furenti  
Excidit & nostris fulgens excepimus undis.  
Terricolûm tu primus habe, versatile primum  
Apto tuæ dextra, totisque oppono manipulis.  
Quas strages hac mole dabis? Quæ funera ferro  
Fatifer? Occisos capient vix tartara Neustros.*

*Hic experrectus non ex æquabile donum  
Miratur, nec adhuc scit verum, an somnia cernat,  
Addubitat, creditque tamen, gaudetque tuendo*

## Valliados

Ardescens, prensatque manu, versatque, stupetque,  
Nec satias capit, appendit laterique humeroque  
Mirè habile, & cerio iuvat ire ac tendere passu;  
Quoq; magis simplex cultus, placet hoc magis omni  
Ambitione carens, non gemmâ, aurove sed ære  
Atque adamante gravis, tali vagina nitore,  
Et capulus, vastis horrebant cingula bullis.

Iamque satis visis, donoque recente, Deoque  
Firmatus, rapit acer iter, perque invia, perque  
Pervia it, absistunt rupes, sentesque recedunt  
Præsternente Deo, fervor retinacula cuncta  
Expedit, & totum spirantia pectora Martem.

Primum se socijs Gramus dedit obvium in armis,  
Cognati generis quem nigro vertice Tinto  
Ædedit, & paribus, iam firmum, eduxerat annis;  
Qui procul ut Vallam venientem vidit, & ora  
Exoptata diu, vultusque agnovit amicos;  
Vix animi compos, & pectore pressus anhelos,  
Accurrit lachrymans, dextramque amplexus, inhaesit  
Usque petens, repetensque moras, causasque, locosq;  
Et quid post clausos demum det in arma labores;  
Et patriæ funus, conclamatamque supremum;  
Hic quamvis utrique dolor par, resque retexi  
Horrebant animis, nec sustentura dolorem  
Pectora sperabant, Vallas tamen, ipsa mali seu  
Principia explorans ( si quicquam culpa vel error,  
Aut fors sola dedit ) seu fama longius acta  
Non nimum fidens, ardebat in ordine summam  
Audire,



## Libert secundus.

*Audire, & miferos penitus ediscere casus,  
Ac iubet effari; gemitu cū Gramus ab alto  
Corde dato, tales vix rupit pectore voces.  
Quid repetam clade toto satis orbe poloque  
Heu nimium notas? Vel qua mihi suppetat agro  
Vox, pectusve, labans, & ad ipsa exorsa tremiscens?  
Quis gentem antiquam, tantis per sacra trophais,  
Tot ducibus claram, numerantem scepra tot annis,  
Vix ulla contracta manu, sic cedere prada,  
Et casam referens, vel prima mente resumens,  
Temperet à lachrymis? Quis non ad nomina dira  
Mareat; & Neustros, ac Saxonas horreat ore?  
Sed si tanta sedet menti, si certa cupido,  
Tot casus audire truces, & fata tuorum,  
Morem Magne geram; Nota est occasio rerum  
Prima tibi, & fraudes, captataque tempora regni;  
Vt ius inversum, malefideque arte sequestri  
Additum est illi, cognato Neustria partu  
Quem tulit, adque suas res aptum novcrat Anglus,  
Hic cunctis pariter cum esset malegratus, iniquas  
Hinc populo leges, hinc indignante senatu;  
Secessu procerum sic facto, & plebe regentis  
Incerta, patuere fores, regnique tyranno  
Claustura data, & vacuas rapere, atq; insidere sedes  
Primum pravalidas Berovici in limite turres  
( Contra finitimos tunc propugnacula motus,  
At nunc insidias, hostisque excursibus aptam,  
Et patria impositam misera cervicibus arcem )*

*Ast*

## Valliados.

*Astu interceptit, cum iam diffideret armis  
 Irritus, & toties tanta cum cade repulsus;  
 Ergo fugam simulans, circumducto agmine, parteque  
 Ex alia apparens, speciemque Caledonis urbi  
 Subsidio venientis habens, & Scotica signa,  
 Elicuit totam portis bipatientibus urbem;  
 Vnde immissus eques, effusam absque ordine turbam  
 Protrivit misere, claustroque inuectus aperto  
 Præcepit reliquos; sic extra, intraque nefanda  
 Exoritur cades, natorum ante ora parentum,  
 Ipsorumque patrum, rerum discrimine moto  
 Funditus & totas furijs laxantibus iras,  
 Ut primum tepuere manus; hîc lecta iuventa  
 Ornamenta cadunt (dives quam Marcia silvis  
 Educat, & Lothi tellus alit ubere leto,)   
 Sollicite conquesta neci, promiscua turba  
 Absque notâ, numeroque iacens, per templa, domosq̃,  
 Perque vias urbem fadant, ut Tueda cruore  
 Ferveret, insuetoque undaret gurgite pontus.*

*His ergo auspicijs, ut primo sanguine captum  
 Imbuit, & tanta perrupta repagula molis,  
 Per reliquum torrente ruit, vel more ruina  
 Precipitis, quam vix haerentem ultroque minantem  
 Impulit acta manus; illa in subiecta repente  
 Incidit & vasto terret vicina fragore.  
 Proxima quæque metu subeunt, hostiliaque ultrô  
 Præsidia admittunt; & quos distantia maior  
 Submovit rebus, primaque a clade, nec ipsi*

*Ante*



## Liber secundus.

*Ante movent, proprios serpens quam flamma penates  
Corripiat, similisque involvat quemque ruina.  
Non secus ac subitâ nautis cum turboprocellâ  
Ingruit oppressitque ratem, deiectaque malo  
Carbasa tinxit aquis; non ultra animive manusve  
Attonitis (ceu membra gelu vel morte rigerent  
Sic videas harere loco) non vela levare,  
Antennasve citi, socium sed quisque tueri  
Amens, & tumidum expectare in transtra profundû.*

*Prima manus fixis sese ausa opponere signis,  
Et conferre manum, Baroduni infasta sub alti  
Mania consedit, supremo certa tueri  
Auxilio patriam, vel, si suprema ruendi  
Fata obstant, Scotoque ultra superessenegatum,  
Non gratis cadere, aut inhonesto occumbere letho.  
His animis, dextrisque ruunt, concurritur aquis  
Principio auspicijs, nec nos victoria primo  
Despexit vultu, iam prima Saxonis ira  
Fortiter exceptæ, fractusque resederat ardor,  
Et visus spectare fugam, nostrique movere  
Atque inferre aciem, subito cum (incaperit unde  
Incertum fatone, an prodicione suorum  
Invitus memoro, tamen heu meminisse necesse est)  
Terga dari aspicimus, quo primo signa recessu  
Turbata, & totos demum fuga facta per agros.  
Fama volat, regni spe, promissisque, tyrannum  
Seduxisse virum, quem res & publica vota  
Poscebant sceptris & regni proxima iura;*

*Illud*

## Valliados.

Illum indignantem regimen, molemque coquentem  
 Irarum tacite, suasu traxisse secundo  
 Transfugium, Neustroque latus nudasse suorum.  
 Quicquid erat certe miseri nos sensimus aliâ  
 Clade malum, nullis unquam reparabile seclis;  
 Illa supremâ dies, & funera nostra, Caledon  
 Tunc elata fuit. Vix pauci in castra propinqua  
 Elapsi primæ flos nobilitatis, inanem  
 Protraxere moram, nam post mala cuncta (labores  
 Pervigiles, diramque famem) tolerata, coacti  
 Tradere se pactique animas, crudeliter omnes  
 Oppressi multo liquerunt sanguine vitam,  
 Hic Seto, Carique duo, & Fergusia verè  
 Progenies Bancho (raptis qui dicitur armis  
 Ut vidit socios & quæ laniena maneret,  
 Non gratis posuisse animam) Duglassius una  
 Sanclarusque cadunt; nec te miser inde silebo  
 Haie quem totis petijt manus improba celis.

Hinc ad Ediniacam recta fert impetus arcem,  
 Et caput imperij, quam nuper Rege, senatu  
 Et populo celebrem, solam tunc nemo tenebat,  
 Deservere omnes, portaque viaque patente  
 Vix quisquam apparens, aut custos manibus ibat.  
 Tanti us ubique metus, ea desperatio rerum;  
 Tutis nulla fides; hinc regia clara tot alta  
 Stirpis imaginibus, tantis arx inde trophæis,  
 (Tæpe ijs æquata iugis) patuere ruenti  
 Præda hosti, & gaza, veterum congestio regum.

His



## Libër secundus.

*His aucti auspicijs, ternas ex ordine captis  
Adjiciunt sedes veterum decora alta parentum;  
Limnuchum, Sterolenq, altam geminoque nitentem  
Falconum sub monte domum, munitaque tecta,  
Pars equata solo, pars commoda visa colono,  
Pernicies patriæ stetit atque in viscera versa est.  
Nec ratio est rerum, nec honos, non religionis,  
Non prisca sanctique fides; loca sacra, profana  
Iuxta habita, in divos pariter hominesque furit vis.  
Ipsa Deum sedes, ipsum inviolabile fanum  
Andree Phœbique lares (quam rupe relictâ  
Pimplide, Barbaricis exterrita dicitur armis  
Calliope legisse locum; quam Cimber & omnes  
Horruerant per secula manus) temerata tumultus  
Sensit & infandos (heu barbara facta) furores.  
Nec minus & gemina, Phœbeia castra, sorores  
Glascua & ad gelidos Abredon proiecta Triones;  
Sevitum in lapides, in iura vetusta librosque,  
In famam, seclumq, memor, abolentque premuntque,  
Dant rerum monumenta rogo, vestigia seris  
Ne qua forent natis gentis, laudisve parentum,  
Excitura animos, nec avorum conscia virtus;  
Sic vires sensusque premi, sic nascier uliro  
Degeneres sperant, & laudum nescia corda;  
Sic fore se tuos nullo nisi plebe relicto  
Imbelli fractâque malis, sic posse subactis  
Grassari & misero dominari impune popello.  
Roboris & si quid sobolesceret, atque inventa,*

*Delecto*

## Vallados

Delectu assiduo minui; tunc forte dedit res  
Militia exhaurire nova, quæ Gallica primo  
Vere peregrino concussit regnatu tumultu.  
Me quoque sollicitè conquisivere, misellum  
In caput ardentis furys, sed sede domoque  
Cum paucis profugus, latebrasque subinde per agros  
Mutando, cæcisque vijs fallendo sequentes,  
Consului vix ipse mihi; fera pectora donec  
Anglorum satiata malis obliviam tandem  
Capere, & pariter iræque metuque cadente,  
Cessatum est vano porro indagare tumultu.

Sed quæ te tandem regio? Quæ devia tam diu  
Distinuit sedes, patriæ demortuæ curis?  
Hic Vallas, quamvis eadem sperarat, & ista  
Non inopina forent æqua aut maiora timenti,  
Præsenti sermone tamen rerumque malorumque  
Admotæ facie, propiusque sub ora reductis;  
Ingemuit volvens molem, iam funditus ex spem  
Extra aleamque vicis conclamat amque supremum.  
Demum pauca refert; equidem non fingit inanes  
Suspicio plerumque metus, nec pectora fallunt  
Heu! veri præsaga nimis; nunc sentio fraudes  
Alma parens, patriæ natique heu blandâ dolori.  
Ab quoties subiere animum, puerilia quamvis  
Pectora & haud ulli graviori obnoxia curæ?  
Non temerè fuit iste dolor, totiesque fluentes  
Sponte sua lachrymæ, nulloque ciente querelæ.  
Hæcne cura omnis fuit? hæc custodia nostri

Offi.



## Libër secundus.

Officiosa nimis, quo me patriaque meisque  
Distentum, in mortis nunc nuncia serare serves,  
Extremasque vices, conclamat amque supremum?  
O patria, ô Scoti veteres, ô ferrea bello  
Pectora, Romanos quæ sistere sola furores,  
Et Pictos pepulisse locis, Britonumque furores  
Non semel in priscos potuistis cogere fines,  
Cui tantum de te licuit? Num tanta sepulta est  
Fama virum? Tam notus honos, invictaque gentis  
Gloria, centenis numerans sua sceptrâ tyrannis  
Externa non tacta manu? Nullusne priorum  
Nascitur, antiquo vel nomine dignus, a vitis  
Nullus imaginibus? Non cûi tam perdita cordi  
Causa siet, propriaque velu reparare ruina?  
O mihi Divi faciles sint aut fortuna secunda  
In partem ut mittant operis, (nam vindicis infans  
Non peto, nec tantos ambit mihi pectus honores)  
Vel si fata negant & rerum certa ruina,  
Attamen ulta cadas, dirumque hostique cruentum  
Funus, & extinctæ placentur sanguine manes.

Talibus incusans hærebat mæstus, & omnis  
Consilij atque incertus opis, dum hinc sera volutæ  
Auxilia, inceptique fidem; dumque incitat illinc  
Vis animi, rumpitque moras iustosque timores;  
Præcipitatque vias & magno fluctuat æstu.  
Quid struat; unde prius capiat rerumque operisque  
Principium; quod subsidium speretne receptum;  
Vix demum vicit ratio, sententiaque alto

Pecto-

## Valliados

*Pectore subsedit, tacito molimine, belli  
 Pratentare vias, viresque animosque suorum  
 Perspicere & dubijs quæ sit fiducia rebus,  
 Ac veluti vastis agitata tumultibus unda  
 Aut musto fæx prima novo (vis ignea Bacchi  
 Tanta furit, miscetque ciens) sibi pugnat, & in se  
 Funditur, usque vomens spumas atrumque vaporem,  
 Donec fumiferas sensim exhalaverit iras,  
 Et flat animosa suos deferueat agris  
 Motibus, & fundo demum subsederit imo.  
 Sic postquam vario pectus sibi Valla tumultu  
 Ipse fatigavit, cæcoque huc, impete & illuc  
 Irritus impegit, nec votis porta patescit,  
 In se se redyt demum, invitæque resedit,*



VALLI

X  
 X  
 Iam  
 In  
 A  
 Mo  
 Con  
 Qu  
 Fast  
 Clau  
 Tem  
 Exc  
 Qu  
 Duct  
 Fer  
 Neq  
 V  
 Hun



# VALLIADOS

## LIBER TERTIVS.



*Amque annum Austrino Phæbus re-  
ferebat ab axe,  
Angebatque dies; cum rebus Saxo  
paratis*

*Iam totus spectabat iter, bellumque fremebat,  
In Morinos; latè rerum securus, & hostis  
A tergo, sua tuta putans, Arctonque quietam  
Moturamque nihil; quare quod roboris usquam  
Contrahit, & totis implet cava litora turmis.*

*Vos ô Pierides, proles Iovis aliaque Minime,  
Quam non ulla latent decursa ab origine secla  
Pastorum, fameque parens, nunc pandite sacra  
Claustra domus, nunc antra mihi, penetralia longi  
Temporis, obscuris monumenta obducta tenebris  
Excute, & tanti censum mihi reddite belli;  
Qui ferro armati reges; Quæ nomina prima  
Ductorum; Quæ cuique acies; Quibus Albion armis  
Ferverit insurgens, nostis namque omnia, nec vos  
Nequicquam sacris præfecit Iupiter actis.*

*Venit ab extrema Boreæ de partibus ora  
Humborum numerosa cohors; divortia Valli*

*Trans*

## Valliados

*Trans habitant, Tinamque bibunt, Tueda<sup>q</sup> fluenta,  
 Limite vix unquam certo; nunc Saxone fines  
 Prolatante sibi, nunc Scoto; & neutrius esse  
 Mars finit assiduus vastans incurfibus agros.  
 Vix ita quàm refluos Euripus duplicat aestus  
 Alternat maris unda vices, aut mobilis aura  
 Cardinibus spirat dubijs cum lurida cœlo  
 Tempestas glomerat nubes, vel turbine nondum  
 Composito fremitat; non unquam tuta cuiquam  
 Res sua, saepe dies modò quem ditaverat, ipsa  
 Nocte fuit prada, ius, & sua gestat in armis  
 Non unquam securus agens. Quêis flore iuventa  
 Percius insignis primo, & fulgentibus armis  
 Albenti est pravectus equo; cui parma leonem  
 Ceruleum campo volitantem ostendit in aureo;  
 Advaticæ signa alta domus, dextraque paternum  
 (Malcolmi tum cade rubens, factoque recente  
 Vnde decus nomenque suis) hastile gerebat  
 Arduus, & campo primus se ostendit aperto.  
 Signa sequebantur peditum bis sena, pharetris,  
 Et ferro succincta levi; quos ordine longo  
 Hastatus precessit eques, cû intergore tauri  
 Laminulis ferri insutis, lorica rigebat,  
 Et pannis densatus apex. Huic limite dextrum  
 Cumber ab occiduo clausit latus; ille virentes  
 Hexamie campos, ripasque & flumen Edini,  
 Escamque latus tenet & quàm Solvius aestu  
 Vergivum miscet pelagus, fluctuque retorto*

*Funditur*



### Liber tertius.

Funditur & Scoto prope Saxona dividit isthmo.

Queis præiens vastis sese vertebat in armis  
Grastochius, vetito quem Nympha Cevotia partu  
Ædedit & sylvis ignotum eduxerat altis,  
Celatura nefas & duri conscia fati.

Hic duo gesa manu rapiens, vastumque molaris  
In formam clypeum, socios clamore vocabat  
Increpitans, agmenque minis sub signa trahabat.

Post hos Vestmaria coeunt in praelia gentes,  
Quique arces Dunelma tuas, Tineiaque castra,  
Stammoriamque tenent, qui regia tecta frequentant  
Ditis Eboraci, Trentam quique inter & Humbrum  
Rura, Palis Cererisque colunt uberrima regna,  
Quosque vetus priscis dicebat fama Brigantas.  
Hos non unus agit ductor, paribusque regebant  
Auspicijs Viponte satius, Novavillius & cūi  
A clivo fortique nota; queis amula virtus  
Musgravi, vix pone subit, Fennusque Lagusque.  
Pars curru pars ibat equis, quatit horrida campum  
Esseda, terrificis imitata tonitrua gyris.

Ante alios sacris præfulget Becus in armis,  
Lamina cūi frontem tegit aurea, linea cingunt  
Tegmina, stat lino thorax; & lineus umbo.